



Na osnovu člana 34. a u vezi sa članom 67. Zakona o državnoj službi u Kantonu Sarajevo („Službene novine Kantona Sarajevo“ br. 31/16 i 45/19), a na zahtjev Općine Stari Grad Sarajevo, Agencija za državnu službu Federacije Bosne i Hercegovine, objavljuje

**JAVNI KONKURS
za popunu radnog mjesta državnog službenika
u Općini Stari Grad Sarajevo**

Radno mjesto:

- **Šef Odsjeka za budžet – 1 (jedan) izvršilac**
-

Opis poslova: Obavlja sve stručne studijsko – analitičke poslove u vezi sa pripremom i izradom dokumenata okvirnog budžeta, prednacrt, nacrt i prijedloga budžeta Općine i budžeta pojedinih budžetskih korisnika unutar Općine kao i propisanih budžetskih dokumenata (trogodišnji, godišnji i operativni – mjesečni planovi budžeta i odluke o izvršavanju, odluke o preraspodjeli sredstava, odluke o korištenju tekuće rezerve i sl.). Priprema smjernice i uputstva budžetskim korisnicima vezano za planiranje i izradu budžeta. Na osnovu dobijenih podataka od budžetskih korisnika priprema planove razvojnih programa – projekata (investicija) i usklađuje ih sa dokumentima srednjoročnog plana razvoja i Dokumentima okvirnog budžeta. Planira i utvrđuje dinamiku finansiranja planova razvojnih programa (dinamiku ulaganja po godinama), a u skladu sa Dokumentom okvirnog budžeta. Izrađuje operativne – mjesečne planove budžeta budžetskih korisnika i usklađuje ih sa planom novčanih tokova za isti period, tj. utvrđuje mjesečno i tromjesečno budžetsko izmirenje obaveza u skladu sa likvidnosti budžeta i preuzetim obavezama budžetskih korisnika. Primjenjuje zakone, propise i druge opće akte, te daje stručno mišljenje po svim pitanjima iz oblasti budžeta. Priprema sve vrste zakonom propisanih, mjesečnih, periodičnih – kvartalnih i godišnjih izvještaja iz oblasti realizacije budžeta za potrebe Općinskog vijeća, načelnika Općine i vanjskih korisnika. Analizira i prati izvršenje budžeta, tj. vrši kontrolu namjenskog trošenja sredstava i predlaže mjere za sprečavanje prekoračenja planiranih stavki. Obavlja poslove u sistemu Trezora sa ovlaštenjima u korištenju aplikacija dodjeljenih modula. Odgovara za zakonito, blagovremeno i efikasno obavljanje povjerenih poslova. Za svoj rad odgovara pomoćniku Općinskog načelnika. U skladu sa zakonom obavlja i druge poslove koji mu se stave u zadatak.

Kandidati moraju ispunjavati opće uvjete iz člana 35. Zakona o državnoj službi u Kantonu Sarajevo:

- da je državljanin Bosne i Hercegovine;
- da je stariji od 18 godina;
- da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme odnosno visoko obrazovanje prvog, drugog ili trećeg ciklusa Bolonjskog sistema studiranja, što se utvrđuje propisom kojim se uređuju poslovi osnovne djelatnosti i pomoćno tehnički poslovi i uvjet za njihovo obavljanje u organima državne službe u Federaciji Bosne i Hercegovine;
- da je zdravstveno sposobno za vršenje određenih poslova predviđenih za to radno mjesto;
- da u posljednje tri godine od dana objavljivanja upražnjenog radnog mjesta lice nije otpušteno iz državne službe kao rezultat disciplinske mjere na bilo kojem nivou vlasti u Bosni i Hercegovini;
- da nije obuhvaćeno odredbom člana IX.1. Ustava Bosne i Hercegovine

Pored općih uvjeta navedenih u javnom konkursu kandidati moraju ispunjavati i sljedeće posebne uvjete i to:

- VSS, VII stepen, odnosno visoko obrazovanje najmanje prvog ciklusa Bolonjskog sistema studiranja koji se vrednuje sa 240 ECTS bodova – Ekonomski fakultet

- najmanje 4(četiri) godine radnog staža
- poznavanje rada na računaru

Prijavljivanje-potrebni dokumenti:

1. Kandidati se prijavljuju na javni konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Odjeljenja Agencije za Kanton Sarajevo i Bosansko-podrinjski Kanton Goražde ili na web stranici Agencije www.adsfbih.gov.ba).
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme u skladu sa uslovima iz konkursa (original ili ovjerene kopije) na propisanom Obrascu uvjerenja (može se preuzeti u prostorijama Odjeljenja Agencije za Kanton Sarajevo i Bosansko-podrinjski Kanton Goražde ili na web stranici Agencije www.adsfbih.gov.ba)

Napomena: nisu izuzeti od polaganja ispita općeg znanja, kandidati koji imaju rješenja nadležnih organa drugih upravnih nivoa vlasti u Bosni i Hercegovini o oslobađanju od polaganja stručnog upravnog ispita.

NAPOMENE ZA KANDIDATE:

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, www.adsfbih.gov.ba. Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Agencija objavljuje rezultate stručnog ispita na oglasnoj ploči Agencije i usmeno obavještava kandidate o rezultatima koje su postigli, istog dana, nakon završenog stručnog ispita. Kandidati koji su uspješno položili stručni ispit, dužni su u roku od pet dana nakon usmenog saopštavanja o rezultatima ispita, dostaviti dokaze o ispunjavanju posebnih uslova, navedenih u tekstu javnog konkursa. Istovremeno sa dostavom dokaza o ispunjavanju uvjeta javnog konkursa, kandidat, koji polaže pravo na prioritarno zapošljavanje po osnovu posebnog zakona, dužan je dostaviti i odgovarajuće dokaze o svom statusu u skladu sa propisom na koji se poziva.

Kandidati u javnom konkursu moraju ispunjavati uvjete javnog konkursa sa danom njegove objave, u „Službenim novinama Federacije BiH” neovisno od toga kada su dokazi zatraženi ili dostavljeni.

Kandidat koji u bilo čemu ne postupi po navodima javnog konkursa bit će isključen iz konkursne procedure bez mogućnosti ponavljanja propuštene radnje.

Prijava, sa potrebnim dokumentima, dostavlja se u roku od 15 dana, od objave javnog konkursa u „Službenim novinama Federacije BiH”, putem pošte, preporučeno na adresu:

AGENCIJA ZA DRŽAVNU SLUŽBU FEDERACIJE BiH

ODJELJENJE AGENCIJE ZA KANTON SARAJEVO I BOSANSKO PODRINJSKI KANTON,

UL. KULOVIĆA BR. 7

71000 SARAJEVO

sa naznakom

„Javni konkurs za popunu radnog mjesta državnog službenika u Općini Stari Grad Sarajevo broj konkursa. 10-30-8-660/20”

DIREKTOR

Refik Begić, magistar uprave



